



**Broj: 01-43/17**  
**Vareš, 28.02. 2017. godine**

**Z A P I S N I K**  
**s 3. sjednice Općinskog vijeća Vareš,**  
**održane 31.01. 2017. godine**

Kenan Kamenjaš – predsjedavajući Općinskog vijeća Vareš, otvorio je 3. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Kuhar Darija, Marošević Mario, Mirčić Mario, Muftić Safeta, Muftić Anel, Mušanović Nedžad, Ridić Krno, Romić Branko, Rožajac Elvir, Šimić Nikola i Turki Fadila.

**Odsutni:** Nema.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika, ispred općinske službe gosp. Boro Anđić, ispred PVJ – gosp. Izudin Muftić i ispred PS Vareš gosp. Meho Bajrić.

Sekretar OV Leon Pavlović izvijestio je Vijeće o realizaciji Zaključaka i odgovorima na postavljena vijećnička pitanja sa 2. sjednice OV održane 29.12. 2016. godine. Na 2. sjednici OV donesena su tri (3) zaključka koji su i realizovani. Postavljeno je sedamnaest (17) vijećničkih pitanja. Na jedanaest (11) pitanja podnosioci su dobili pismeni odgovor i na šest (6) pitanja Općinski načelnik je dao usmene odgovore na samoj sjednici.

Općinski načelnik Zdravko Marošević u okviru aktuelne problematike na području općine Vareš za današnju sjednicu, upoznao je Vijeće o problemima koji su nastali uslijed niskih temperatura, a odnose se na smrzavanje vodovodne i kanalizacione mreže u pojedinim objektima u gradu. Napomenuo je da su štete velike i da nadležna preduzeća ne mogu sama riješiti tolike probleme koji su nastali i da će Općina Vareš angažovati se na dodatnoj pomoći javnim preduzećima. Također je iznio svoje mišljenje o trenutnom stanju stambenih jedinica u gradu i potrebnim aktivnostima koje treba sprovesti kako bi se sanirala i zaštitila vodovodna i kanalizaciona mreža.

## *(Vijećnička pitanja)*

### **Elvir Rožajac**

1. Uputio je pitanje nadležnima: Zašto nema grijanja u MSŠ „Nordbat 2“ ? O postavljenom pitanju dao je pojašnjenje.
2. Da li se može naći mogućnost da se pristup UniCredit banci očisti od leda? O postavljenom pitanju dao je pojašnjenje.

### **Safeta Muftić**

3. Kada će se građanima uplatiti novac na osnovu Odluke koju je OV donijelo 16.10.2014.godine za sanaciju stambenih objekata ? O postavljenom pitanju dala je pojašnjenje.
4. Da li postoji mogućnost da se gradske ulice kvalitetnije očiste od snijega ( Put mira, Vareš-Majdan i Selište) ?

### **Kruno Ridić**

5. Pitanje upućeno Općinskom načelniku : Da li planirate u toku ove godine da poduzmete nešto kako bi se objekti E1 do E4 i njihove fasade uredile i toplinski izolirale ? O postavljenom pitanju dao je pojašnjenje.
6. Pitanje upućeno Općinskom načelniku : Šta planirate u svrhu obnove, aktiviranja i davanja na korištenje građanima domova kulture ? O postavljenom pitanju dao je pojašnjenje.

### **Mirnes Ajanović**

7. Na inicijativu građana Vareš-Majdana postavlja pitanje da li se može nešto uraditi po pitanju obnove „Robne kuće“ u Vareš- Majdanu? O postavljenom pitanju dao je pojašnjenje.

### **Adis Čizmo**

8. Ko je odgovoran za neispravnost hidrantne mreže i da li će se u narednom periodu djelovati po ovom pitanju, a sve u korist izbjegavanja materijalnih šteta?

### **Fadila Turki**

9. Kada će se Radnički dom staviti u funkciju ?
10. Da li može omogućiti ljudima u Vareš-Majdanu otkup stanova ? O postavljenom pitanju dala je pojašnjenje.

### **Anel Muftić**

11. Pitanje upućeno JP Vareš stan : Da li se može komisijski uraditi analiza izvršenih usluga Vareš- stana ? O postavljenom pitanju dao je pojašnjenje.

Općinski načelnik dao je usmene odgovore na većinu postavljenih pitanja vijećnika.

Predsjedavajući OV stavio je na raspravu Zapisnik sa 2. sjednice OV.

Nije bilo rasprave i predsjedavajući OV stavio je na izjašnjavanje Zapisnik sa 2. sjednice OV i nakon izjašnjavanja vijećnika konstatuje da je **jednoglasno (19 glasova „ZA“ ) usvojen Zapisnik sa 2. sjednice OV.**

Predsjedavajući OV stavio je na raspravu prijedlog dnevnog reda za 3. sjednicu OV koji je usaglašen na Kolegiju Općinskog vijeća.

Općinski načelnik obavještava OV da povlači sa dnevnog reda današnje sjednice tačku 6. Prijedlog Pravilnika o uslovima za obavljanje poslova upravitelja i tačku 7. Prijedlog Uputstva o načinu promjene upravitelja. Također je predložio dopunu dnevnog reda sa tačkom 6. Prijedlog Odluke o izmjeni Odluke o radnom vremenu u određenim djelatnostima o čemu je dao pojašnjenje.

Predsjedavajući OV stavio je na izjašnjavanje prijedlog Općinskog načelnika o izmjeni i dopuni dnevnog reda i nakon izjašnjavanja vijećnika konstatuje da je prijedlog **jednoglasno (19 glasova „ZA“) usvojen.**

Predsjedavajući OV stavio je na izjašnjavanje prijedlog dnevnog reda 3. sjednice OV sa izmjenom i dopunom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno (19 glasova „ZA“) usvojen sljedeći**

#### *D n e v n i r e d:*

1. Prijedlog Odluke o kreditnom zaduženju Općine Vareš.  
- Izvjestilac: Općinski načelnik
2. Prijedlog budžeta/proračuna Općine Vareš za 2017. godinu  
- Izvjestilac: Općinski načelnik
3. Prijedlog Odluke o izvršenju budžeta/proračuna Općine Vareš za 2017. godinu.  
- Izvjestilac: Općinski načelnik
4. Prijedlog Odluke o prosječnoj konačnoj građevinskoj cijeni 1m<sup>2</sup> korisne stambene površine na području općine Vareš za 2016. godinu.  
- Izvjestilac: Ermin Musa
5. Prijedlog Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto.  
- Izvjestilac: Ermin Musa
6. Prijedlog Odluke o izmjeni Odluke o radnom vremenu u određenim djelatnostima.  
- Izvjestilac: Ermin Musa
7. Prijedlog Zaključka o davanju saglasnosti na Odluku o izmjeni Statuta JU Dom zdravlja Vareš.  
- Izvjestilac: Čedomir Jelić
8. Nacrt Odluke o usvajanju Strategije integrisanog razvoja Općine Vareš za period 2017-2026. godine.  
- Izvjestilac: Rusmir Berberović

9. Prijedlog Rješenja o imenovanju članova Komisije za izbor u regulirane organe.

- Izvjestilac: Općinski načelnik

10. Informacija o radu Policijske stanice Vareš, sa ocjenom stanja bezbjednosti za 2016. godinu.

- Predstavnik PS Vareš

11. Informacija o projektima obnove stambenih jedinica u 2016. godini.

- Izvjestilac: Ermin Musa

12. Tekuća pitanja

Na zahtjev komandira PS Vareš uz dato pojašnjenje, predsjedavajući je obavijestio OV da će Vijeće tačku 10. Informacija o radu Policijske stanice Vareš, sa ocjenom stanja bezbjednosti za 2016. godinu razmatrati odmah na početku sjednice prije razmatranja ostalih tački dnevnog reda.

#### **Ad. 10.**

*(Informacija o radu Policijske stanice Vareš,  
sa ocjenom stanja bezbjednosti za 2016. godinu.)*

Otvorena je rasprava u kojoj su svoje prijedloge, primjedbe, sugestije, pitanja i mišljenja iznijeli vijećnici: Alma Kamenjaš, Kruno Riđić, Demo Kevrić, Elvir Rožajac, Mirnes Ajanović i Općinski načelnik Zdravko Marošević.

Ispred PS Vareš gosp. Meho Bajrić u svom obraćanju dao je dodatna pojašnjenja za ovu tačku dnevnog reda i odgovorio na pitanja postavljena u raspravi.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informaciju o radu Policijske stanice Vareš,  
sa ocjenom stanja bezbjednosti za 2016. godinu***

#### **Ad. 1.**

*(Prijedlog Odluke o kreditnom zaduženju Općine Vareš.)*

Komisija za statutarna pitanja i propise na 1. sjednici održanoj 26.01.2017. godine jednoglasno je donijela slijedeći Zaključak:

-Komisija prihvata Prijedlog Odluke o kreditnom zaduženju Općine Vareš, s tim da se u preambuli Odluke iza riječi „član 39. „ dodaju riječi „stav 2. i člana “ , član 47. se briše, da se iza člana 4. dodaju riječi „stav 3.“ i iza člana 7. „stav 3.“ . U dijelu preambule : „Službene novine Federacije BiH, broj 102/13, 9/14, 13/14, 8/15, 9/15 i 102/15“ dodaje se i broj Službenih novina „104/16“. Također u dijelu preambule „ Statuta Općine Vareš „ dodaju se riječi „- prečišćeni tekst, broj: 01-162/12 od 11.09.2012.“ i da se naziv Odluke mijenja i glasi : „ Odluka o davanju saglasnosti o kreditnom zaduženju Općine Vareš“

Ovlašteni predlagач Odluke prihvatio je primjedbe Komisije.

Komisija sugerise predlagачu Odluke i Vijeću da se u članu 2. Odluke navedu Rješenja Porezne uprave za koja bi bila uplaćena kreditna sredstva.

Komisija za privredu, finansije i budžet na 1. sjednici održanoj 26.01.2017. godine jednoglasno je donijela slijedeći Zaključak:

-Komisija nema primjedbi na Prijedlog Odluke o kreditnom zaduženju, te je upućuje Vijeću na razmatranje.

Općinski načelnik dao je dodatno pojašnjenje za ovu tačku dnevnog reda i kreditna sredstva koja su planirana za izmirenje obaveza prema Poreznoj upravi.

Otvorena je rasprava u kojoj su svoje stavove, mišljenja i pitanja iznijeli vijećnici: Demo Kevrić, Elvir Rožajac, Kruno Riđić, Safeta Muftić, Adis Čizmo, Mirnes Ajanović, Mario Mirčić, Branko Romić i Općinski načelnik koji je odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o davanju saglasnosti o kreditnom zaduženju Općine Vareš uz amandmane Komisije za statutarna pitanja i propise koji je ovlaštenu predlagач prihvatio, s napomenom da je u skladu sa Statutom za usvajanje ove Odluke potrebna dvotrećinska većina glasova svih vijećnika.

Nakon izjašnjavanja vijećnika predsjedavajući OV konstatuje **da je jednoglasno (19 glasova „ZA“ ) usvojena**

#### ***Odluka o davanju saglasnosti o kreditnom zaduženju Općine Vareš.***

Vijećnik Elvir Rožajac iz opravdanih razloga napustio je sjednicu.

#### **Ad. 2.**

*(Prijedlog budžeta/proračuna Općine Vareš za 2017. godine.)*

Komisija za privredu, finansije i budžet na 1. sjednici održanoj 26.01.2017. godine jednoglasno je donijela slijedeći Zaključak:

- Komisija nema primjedbi na Prijedlog budžeta/proračuna Općine Vareš za 2017. godinu, te isti upućuje Vijeću na razmatranje.

Općinski načelnik dao je dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, stavove i mišljenja iznijeli vijećnici: Mario Mirčić, Safeta Muftić, Emir Islamović, Demo Kevrić, Branko Romić i Kruno Riđić (predložio je da stavka za razvoj tradicionalnih zanata iznosi 10.000,00 KM, sredstva za poticaj razvoja poljoprivrede da se sa 67.500,00 KM povećaju na 70.000,00 KM, da se odvoje sredstva u iznosu od 5.000,00 KM za nabavku filtera za prečišćavanje vode za pojedine škole u mjesnim zajednicama i za Dječije obdanište Vareš).

Za riječ se javio Općinski načelnik i u svom obraćanju iznio svoje mišljenje u vezi diskusija u raspravi i odgovorio na neka pitanja vijećnika, vezana za raspodjelu sredstava u budžetu.

Zatvorena je rasprava i predsjedavajući OV stavio je na izjašnjavanje Prijedlog budžeta/proračuna Općine Vareš za 2017. godinu.

Nakon izjašnjavanja vijećnika predsjedavajući OV konstatuje **da je sa 18 glasova „ZA“ usvojen**

#### ***Budžet/proračun Općine Vareš za 2017. godinu.***

### **Ad.3.**

*(Prijedlog Odluke o izvršenju budžeta/proračuna Općine Vareš za 2017. godinu.*

Pomoćnik načelnika Ermin Musa upoznao je prisutne sa stavom Komisije i izjavio ispred ovlaštenog predlagača da prihvata stav Komisije.

Na 1. sjednici Komisije za statutarna pitanja i propise pomoćnik načelnika Ermin Musa predložio je dopunu Prijedloga Odluke o izvršenju budžeta/proračuna Općine Vareš za 2017. godinu sa članom 26. koji se dodaje iza člana 25. a član 26. postaje član 27. i tako se do kraja članovi uvećavaju za jedan. Član 26. glasi :

*Član 26.*

*„Korisnik sredstava proračunske/budžetske pozicije finansiranje hitne medicinske pomoći je Javna ustanova Dom zdravlja Vareš.*

*Doznaku ovih sredstava vršit će Služba za prostorno uređenje, urbanizam , gospodarstvo/privredu i financije/ finansije imajući u vidu odredbe člana 11. ove Odluke“*

Komisija za statutarna pitanja i propise na 1. sjednici održanoj 26.01.2017. godine jednoglasno je donijela slijedeći Zaključak:

- Komisija prihvata Prijedlog Odluke o izvršenju budžeta/proračuna Općine Vareš za 2017. godinu sa usvojenom dopunom, s tim da se u preambuli odluke iza riječi „proračunima“ doda riječ „budžetima“, te da se riječi „2.sjednici održanoj 29.12.2016.godine“ brišu.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Odluke o izvršenju budžeta/proračuna Općine Vareš za 2017. godinu.

Nakon izjašnjavaња vijećnika predsjedavajući OV konstatuje da je **jednoglasno (18 glasova „ZA“) usvojena**

*Odluka o izvršenju budžeta/proračuna Općine Vareš za 2017. godinu.*

Predsjedavajući OV dao je pauzu u trajanju od 15 minuta.

Nastavljeno je sa radom današnje sjednice.

### **Ad.4.**

*(Prijedlog Odluke o prosječnoj konačnoj građevinskoj cijeni 1m2 korisne stambene površine na području općine Vareš za 2016. godinu.)*

Komisija za statutarna pitanja i propise na 1. sjednici održanoj 26.01.2017. godine jednoglasno je donijela slijedeći Zaključak:

- Komisija nema primjedbi na Prijedlog Odluke o prosječnoj konačnoj građevinskoj cijeni 1m2 korisne stambene površine na području općine Vareš za 2016. godinu, te istu upućuje Vijeću na razmatranje.

U raspravi su učestvovali vijećnik Emir Islamović i pomoćnik načelnika Ermin Musa koji je odgovorio na postavljeno pitanje vijećnika u raspravi.

Nije više bilo učesnika u raspravi i predsjedavajući OV stavio je na izjašnjavaње Prijedlog Odluke o prosječnoj konačnoj građevinskoj cijeni 1m2 korisne stambene površine na području općine Vareš za 2016. godinu.

Nakon izjašnjavaња vijećnika predsjedavajući OV konstatuje **da je jednoglasno (18 glasova „ZA“) usvojena**

*Odluka o prosječnoj konačnoj građevinskoj cijeni 1m2 korisne stambene površine na području općine Vareš za 2016. godinu.*

## **Ad.5.**

### *(Prijedlog Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto.)*

Komisija za statutarna pitanja i propise na 1. sjednici održanoj 26.01.2017. godine jednoglasno je donijela slijedeći Zaključak:

- Komisija prihvata Prijedlog Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto s tim da se u članu 1. navedene odluke stav 3. briše jer je materija iz ovog stava regulisana zakonom.

Pomoćnik načelnika Ermin Musa ispred ovlaštenog predlagača dao je pojašnjenje za ovu tačku dnevnog reda i izvijestio Vijeće da je Prijedlog Odluke usuglašen sa davaocem usluga, te predložio da se Prijedlog usvoji bez primjedbe Komisije za statutarna pitanja i propise.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Đemo Kevrić (predložio je da se u članu 1. briše stav 3.), Safeta Muftić (predložila je da se u članu 1. briše stav 3.), Mario Mirčić (predložio je da se u Prijedlogu Odluke navede da Oduka stupa na snagu danom donošenja), Emir Islamović, Turki Fadila, Branko Romić i Općinski načelnik Zdravko Marošević koji je dao pojašnjenje u vezi ove tačke dnevnog reda i iznesenih prijedloga.

Vijećnica Safeta Muftić izjavila je da Klub SBB povlači svoj prijedlog.

Pomoćnik načelnika Ermin Musa izjavio je ispred ovlaštenog predlagača da prihvata prijedlog vijećnika Maria Mirčić da se u članu 2. Prijedloga Odluke navede da Odluka stupa na snagu danom donošenja i da se primjenjuje od 01.01.2017. godine.

Predsjedavajući OV stavio je na izjašnjavanje prijedlog vijećnika BPS Đeme Kevrić da se u članu 1.stav 3. briše, te nakon izjašnjavanja konstatuje da sa **1 glasom „ZA“, 14 glasova „PROTIV“ i 3 „SUZDRŽANA“ glasa prijedlog nije usvojen.**

Predsjedavajući OV stavio je na izjašnjavanje Prijedlog Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto sa prihvaćenom izmjenom predloženom od strane vijećnika Marija Mirčić.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojena**

### ***Odluka o izmjeni i dopunama Odluke o utvrđivanju cijena komunalnih usluga i visine naknade za priključno mjesto***

## **Ad.6.**

### *(Prijedlog Odluke o izmjeni Odluke o radnom vremenu u određenim djelatnostima.)*

Komisija za statutarna pitanja i propise na 1. sjednici održanoj 26.01.2017. godine jednoglasno je donijela slijedeći Zaključak:

- Komisija prihvata Prijedlog Odluke o izmjeni Odluke o radnom vremenu u određenim djelatnostima, s tim da se u četvrtom redu preambule broj „25/09“ zamijene brojevi „35/09“, te da se iza riječi „ člana 22“ doda riječ „tačka 2.“.

Općinski načelnik Zdravko Marošević upoznao Vijeće da je na Zahtjev određenih ugostitelja u kome su tražili izmjenu radnog vremena urađen Prijedlog Odluke. O istom je dao pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o izmjeni Odluke o radnom vremenu u određenim djelatnostima.

Nakon izjašnjanja vijećnika predsjedavajući OV konstatuje da je **jednoglasno (18 glasova „ZA“)** usvojena

***Odluka o izmjeni Odluke o radnom vremenu u određenim djelatnostima.***

**Ad.7.**

*(Prijedlog Zaključka o davanju saglasnosti na Odluku o izmjeni Statuta JU Dom zdravlja Vareš.)*

Otvorena je rasprava u kojoj su učestvovali vijećnici: Ilhana Fatić (ispred JU Dom zdravlja Vareš dala je dodatno pojašnjenje za ovu tačku dnevnog reda), Kruno Ridić i Adis Čizmo.

Zaključena je rasprava i predsjedavajući OV stavio je na izjašnjanje Prijedlog Zaključka o davanju saglasnosti na Odluku o izmjeni Statuta JU Dom zdravlja Vareš.

Nakon izjašnjanja vijećnika predsjedavajući OV konstatuje da je **jednoglasno (18 glasova „ZA“)** usvojen

***Zaključak o davanju saglasnosti na Odluku o izmjeni Statuta JU Dom zdravlja Vareš.***

**Ad.8.**

*(Nacrt Odluke o usvajanju Strategije integrisanog razvoja Općine Vareš za period 2017-2026. godine.)*

Komisija za statutarna pitanja i propise na 1. sjednici održanoj 26.01.2017. godine jednoglasno je donijela slijedeći Zaključak:

- Komisija nema primjedbi na Nacrt Odluke o usvajanju Strategije integrisanog razvoja Općine Vareš za period 2017-2026. godine, te isti upućuje Vijeću na razmatranje.

Ispred predlagača pomoćnik načelnika Rusmir Berberović dao je dodatno pojašnjenje za ovu tačku dnevnog reda uz kratku prezentaciju Strategije integrisanog razvoja Općine Vareš za period 2017-2026. godine.

Otvorena je rasprava u kojoj su svoje prijedloge, stavove i mišljenja iznijeli vijećnici: Alma Kamenjaš, Kruno Ridić, Mirnes Ajanović, Đemo Kevrić, Općinski načelnik Zdravko Marošević i pomoćnik načelnika Rusmir Berberović.

Zaključena je rasprava i predsjedavajući OV stavio je na izjašnjanje sljedeći prijedlog

**Zaključka:**

- **Prihvata se Nacrt odluke o usvajanju Strategije integriranog razvoja Općine Vareš za period od 2017-2026. godine.**



- **Nacrt Odluke o usvajanju Strategije integriranog razvoja Općine Vareš upućuje se na javnu raspravu u trajanju od 30 dana.**
- **Zadužuje se Općinski načelnik i Služba za prostorno uređenje, urbanizam, privredu i finansije da provedu javnu raspravu skladu sa aktima OV, i da na osnovu današnje rasprave, prijedloga i sugestija datih u toku rasprave sačine Prijedlog i isti dostave Vijeću na razmatranje i usvajanje.**
- **Sastavni dio Prijedloga biti će i Izvještaj o provedenoj raspravi.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući konstatuje da je **jednoglasno (18 glasova „ZA“)** usvojen predloženi **Zaključak**.

#### **Ad.9.**

*(Prijedlog Rješenja o imenovanju članova Komisije za izbor u regulirane organe.)*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za izbor u regulirane organe.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“)** usvojeno

***Rješenje o imenovanju članova  
Komisije za izbor u regulirane organe.***

#### **Ad.11.**

*(Informacija o projektima obnove stambenih jedinica u 2016. godini.)*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje uz Zaključak **da je Vijeće primilo k znanju**

***Informaciju o projektima obnove stambenih jedinica u 2016. godini.***

#### **Ad.12.**

*(Tekuća pitanja)*

Predsjedavajući OV izvijestio je Vijeće da za današnju sjednicu nema pristigle pošte.

1. Općinski načelnik Zdravko Marošević izvijestio je Vijeće da je na poziv našeg sugrađanina gosp. Ivana Žilić, bio u posjeti kod istog. Upoznao je prisutne o razlozima posjete i pokrenutim aktivnostima u vezi pomoći općini Vareš od strane Republike Hrvatske o kojoj se razgovaralo na sastanku sa gosp. Zvonkom Milasom,

državnim tajnikom središnjeg državnog ureda za Hrvate izvan Republike Hrvatske. Također je izvijestio prisutne da će delegacija Općine Vareš otputovati u Dubrovnik gdje će osim radnih aktivnosti u vezi turizma (grad Bobovac), Udruženje žena Strica-Zaruđe predstaviti našu općinu.

2. Vijećnik Mirnes Ajanović upoznao je Vijeće sa inicijativom , odnosno idejom koja se odnosi na rješavanje probleme pasa lotalica. Predložio je da Vijeće donese ili bar razmisli o donošenju odluke o izgradnji privremenog rješenja azila za napuštene pse. O predloženom je dao pojašnjenje.

Predsjedavajući OV napomenuo je da je po Programu rada OV u II kvartalu planirano razmatranje Prijedloga Odluke o držanju domaćih životinja na području općine Vareš.

Općinski načelnik u svom obraćanju izjavio je da opravdava ideju vijećnika, ali da trenutno treba rješavati prioritetnije probleme koji se odnose na socijalno stanje pojedinih građana, te da u vezi ovoga problema država mora sistemski da to riješi, kao i svaka općina. O istom je dao pojašnjenje.

Sastavni dio ovog Zapisnika je audio zapis sjednice.  
Sjednica je završena u 22,02 sati.

***SEKRETAR***

**Leon Pavlović**

***PREDSJEDAVAJUĆI  
OPĆINSKOG VIJEĆA***

***ZAPISNIČAR***

**Azra Ibrahimović**

**Kenan Kamenjaš**